

KĀORE HOKI TE PŌ

Kāore hoki te pō, tēnei ka noho hihiri te ngākau
Ki konā te raurau tupu noa mai
Ka piki ake au ki te kiritai
I te whitawhita o ngā manu taupua, i ngā manu kōrero
Nāku i hoa iho ko whakaraka te whatu
Kia toki ngao matariki, kia eke ki ngā keho
Kia whiti mai te rā
Kei aku rangatira, kei aku raukura
Taku kupu, taku ora, taku hei māpuna
Tukua tō reo kia rere, kia topa
Ki ngā ikeike, ki ngā tāpuhipuhi
Ahakoa ninihi kau ana te tai o te uru
Tāku nei anō, me huri ki te tua
Kapohia pea te awe kōtuku
Nāku i hoa iho ko whakaraka te whatu
Kia toki ngao matariki, kia eke ki ngā keho
Kia whiti mai te rā
Kei aku rangatira kei aku raukura
Taku kupu, taku ora, taku hei māpuna
Tukua tō reo kia rere, kia topa
Ki ngā ikeike, ki ngā tāpuhipuhi
Ahakoa ninihi kau ana te tai o te uru
Tāku nei anō, me huri ki te tua
Kapohia pea te awe kōtuku kōkiri!